



MOU ... Kamaruzaman bertukar dokumen setelah menandatangani MoU sambil diperhatikan oleh Yee.

UMS tandatangani MoU dengan AeU

UB 20/7/2011 A7

KOTA KINABALU: Universiti Malaysia Sabah (UMS) menandatangani memorandum persefahaman (MoU) dengan Asia e-University (AeU) untuk menarik lebih ramai lagi pelajar asing mengikuti program pembelajaran jarak jauh dalam talian (ODL) di universiti itu.

Naib Canselor UMS, Brig Jeneral Prof Datuk Dr Kamaruzzaman Ampom berkata dengan adanya MoU yang ditandatangani itu, UMS dan AeU akan bekerjasama menambahkan lagi kesmasukan pelajar luar negara untuk mengambil program Pasca Sarjana melalui ODL.

UMS adalah IPTA ketujuh yang mendatangani MoU dengan AeU dan beliau berharap kolaborasi itu akan mampu mengembangkan lagi program ODL ke negara-negara luar seperti ASEAN, negara-negara teluk, India dan Afrika.

Melalui persetujuan itu, dua program ODL iaitu Sarjana Pengurusan Pembangunan Insan (Sekolah Perniagaan

dan Ekonomi) dan Sarjana Pengurusan Pendidikan (Sekolah Pendidikan dan Pembangunan Sosial) akan ditawarkan Januari tahun depan.

Beliau berkata, UMS akan menawarkan lebih banyak program ODL di sekolah-sekolah UMS dengan kerjasama AeU pada masa akan datang.

Katanya, antara signifikan MoU itu ialah menggalakkan pertambahan program jarak jauh melalui kerjasama IPTA dan AeU dan sudah pasti ia juga dapat memberikan impak kepada ekonomi negara.

Kamaruzzaman berkata, di samping menambahkan kesmasukan pelajar antarabangsa ke UMS, langkah itu juga adalah selari dengan agenda negara untuk menjadikan Malaysia hab pendidikan antarabangsa.

AeU berpejabat di Kuala Lumpur dan bekerjasama dengan institusi pengajian tinggi dan pusat latihan di 21 negara yang menjalin program akademik dan latihan profesional yang berkualiti,

mudah dan mampu diakses.

Majlis menandatangani MoU itu disaksikan oleh Menteri Pembangunan Sumber dan Teknologi Maklumat, Datuk Dr Yee Moh Chai. Kamaruzzaman mewakili UMS dan AeU diwakili oleh presidennya, Prof Datuk Ansary Ahmed.

Ansary berkata, Malaysia kini tersenarai sebagai destinasi ke-10 paling popular untuk pelajar asing di dunia, dan Program ODL itu adalah salah satu usaha untuk meningkatkan lagi jumlah pelajar asing belajar di negara ini.

Katanya, Malaysia mensasarkan 110,000 pelajar dalam talian pada tahun 2020, tetapi ia tak akan berjaya sekiranya institusi dan ahli akademi tidak bekerjasama.

Sementara itu, Yee menyifatkan majlis mendatangani MoU itu sejajar dengan usaha kerajaan untuk mempersiapkan diri menghadapi cabaran dalam menyediakan pembangunan sumber manusia melalui pendidikan.